

**Zeitschrift:** Igl Ischi : organ della Romania (Societat de Students Romontschs)

**Herausgeber:** Romania (Societat de Students Romontschs)

**Band:** 42 (1956)

**Nachruf:** Sgr. prof. Giusep Lombriser, Zignau/Friburg

**Autor:** G.G.

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 30.07.2025

**ETH-Bibliothek Zürich, E-Periodica, <https://www.e-periodica.ch>**


(Pli bia davart la veta ed ovra dil car defunct, mira: »En memoria de sgr. fabricant Fidel Tuor«, necrolog da Sur can. dr. C. Fry, Gasetta Romontscha nr. 2, 1955; sco era G. R. nr. 3, 1955. Plinavon il necrolog screts da sgr. mistral Gieri Vincenz, Trun, comparius en nr. 6 dil BT dils 8 de schaner 1955. En quest liug astgein nus forsa era far attents sin nossa lavur historica davart l'ovra de sgr. fabricant Tuor, comparida el Glogn de 1948, p. 93—120.)

Gm. Ga.

### III.

#### † Sgr. prof. Giusep Lombriser, Zignau / Friburg

(N. 29-IV-1873 — † 22-VI-1955)



Gnanc tgisa buc, denter ils prominentes commembers ed amitgs della Romania ch'ein i a casa per adina, mereta senz'auter era sgr. prof. G. Lombriser enzacontas lingias de pia ed engrazieivla memoria!

Naschius 1873 a Zignau e sortius ch'el ei d'ina numerusa famiglia de purs, ha prof. Lombriser de pli tard priu part de tut ils plaschers e fastedis d' in mat de purs: el ei staus paster de casa, mat de cuolm e buob de vaccas si d' alp, ha fatg atras dis de bial'- e malaura e daventaus in giuvenot de forza e curascha. Frequentau ch' el ha giu la scola rurala a Zignau, ha el fatg il fagot ed ei ius a scola a Sarnen, nua ch'el ha absolviu la maturitat. Anno 1894 eis el setratgs a Friburg per far ses studis alla giuvna universitad (fund. 1889). Fatg il licenciat 1900 en historia e litteratura, eis el vegnius numnaus prof. al collegi S. Mihèl, al qual el ei staus fideivels duront 43 onns sco magister d'historia e tudentsg. Friburg ha mai pli dau liber el, entochen sia davosa fladda buc. Mo el ei perquei tuttina restaus in sincer, stupent, gie entusiasmau patriot romontsch e grischun.

Presents alla fundaziun della Romania, fundada da dr. C. Decurtins, ei prof. Lombriser staus sia veta fideivels aschibein alla Romania sco a siu fundatur e protectur dils emprems onns.

Fuv'ei pusseivel, frequentava el adina las radunonzas della Romania, nua ch'el prendeva era bugen il plaid, havend el adina de dir enzatgei impurtont als giuvens ...

En ses giuvens onns de studi fuva prof. Lombriser in flot student, beinvesiu ed amitgeivel. Perdetga persuenter ein las scharschas ch' ins ha dau ad el ellas uniuns academicas: la Romania, la Sarinia, l'Allemania ed outras. — Amitg e paladin de Python e Decurtins, fuva era Lombriser in scaldau politicher conservativ, bein ch'el ha mai encuretg »posts« politics. El era »mo« il grond e sincer amitg della buna caussa e perquei ina ferma petga della partida conservativa de Friburg e d'ordeifer ils mirs dil marcau ...

Maridaus cun dunschala Stoecklin, professera al conservatorium de Friburg, eis el era s'occupaus el sez cun la musica, oravon tut cun la musica instrumental a daventaus cul temps l'olma della musica »Landwehr« a Friburg, e lu duront varga quater decennis igl aultstimau suprastont dell' Uniun de musica svizzera«, cun sias (oz) 1233 secziuns e varga 35 000 commembers. 1938 eis el schizun vegnius numnaus president d' honur de quella, suenter haver prestau per ella lavour de vaglia.

Mo sia pli gronda pissiun era senza dubi l'istoria e sia scrutaziun. Sco commember della »Soc. historica de Friburg«, ha el prestau bia buna lavur en cuminanza cun nies nun-emblideivel prof. Büchi dell'universitat. El ei schizun staus onns ora pres. de quella, entochen 1935, il qual onn el ha surdau il presidi de quella a nies compatriot grischun, dr. O. Vasella, prof. dell' istoria svizzera all'universitat de Friburg. — Donn e puc-cau che prof. Lombriser ei buca vegnius de finir e publicar siu grond studi »d'avart la dertgira nauscha de Tusaun«! P. M. Carnot manegiava adina, che prof. Lombriser eri memi scrupulus per ina tala publicaziun, e perquei »dumignavi el buca il tratsch giud la pala«, sco el scheva enqualga a nus giuvens students.

Che prof. Lombriser ei adina staus in bien Grischun e Romontsch, sco nus havein gia allegau sisura, attesta era il fatg ch'el ei, dapi la fundaziun della »Rezia«, uniun academica dils students romontschs a Friburg, staus fideivels ad ella entochen la mort. Ha prof. Lombriser — da nies saver — è mai publicau enzatgei pli bia ch'enqualga in artechel ni l'auter ella »Romontscha«, eis el tuttina adina staus fideivels al lungatg de sia mumma, alla Romania ed ensumma alla veta culturala dil romontsch; propri in exempl per tuts quels che ston ir egl jester e daventan pér memia savens jasters a tut ils beins artai de nos vegls. — Il bien prof. ruaussi ella pasch dil Segner. —

(Pli bia davart la veta ed igl operar de sgr. prof. Lombriser, mira: necrolog da sgr. prof. dr. G. Batt. Berther, comparius ella Gasetta Romontscha dil davos de zercladur 1955; sco era: necrolog da sgr. dr. G. Desax, redactur dil BT, comparius en nr. 149, 1955 BT, dils 30 de zercladur 1955.)